

Ա. Ս. ԳՐԻԲՈՅԵՂՈՎԻ ԳՈՐԾՈՒՆԵՈՒԹՅԱՆ ԱՌԱՆՁԻՆ
ԴՐՎԱԳՆԵՐԸ ԺԱՄԱՆԱԿԱԿԻՑՆԵՐԻ ԳՆԱՀԱՏՄԱՍԲ ԵՎ
ԴՐԱՆՑ ՇՐՋԱՆՑՈՒՄԸ ԽՈՐՀՐԴԱՅԻՆ ՊԱՏՄԱԳՐՈՒԹՅԱՆ
ԿՈՂՄԻՑ (ՀԱԿԱՍԱԿԱՆ Ա. Ս. ԳՐԻԲՈՅԵՂՈՎԸ)

Հոգվածը անդրադարձ է ունի դիվանագետ և գրող Ա. Ս. Գրիբոյեդովի գործունեության առանձին դրվագներին, ժամանակակիցների կողմից նրան տրված գնահատականներին և փորձ՝ նորովի վերլուծելու նրա բնավորության որոշ գծերը, որոնք, մեր կարծիքով, հավաքական ամբողջության մեջ դիտելով միայն, կարելի է հնարավորինս ճշմարտացի պատկերացնել Գրիբոյեդով-հուսարի, պոետի, դիվանագետի, տնտեսագետի, ընկերոջ և, վերջապես, քաղաքացու իրական կերպարը:

Խորամուխ լինելով Ա. Ս. Գրիբոյեդովի գործունեության մեջ՝ որոշ դեպքերում կարելի է չհամաձայնել խորհրդային պատմագրության կողմից նրա մասին ստեղծված կարծիքներին, որակումներին, նրա հեղափոխական գործունեության, դիվանագիտական «սխառնքների», դրսևորած մարդկային արժանիքների, ինչպես նաև նրա նահատակության մասին ներկայացվող մեկնաբանություններին:

Հոգվածում խոսքը գնում է Ա. Ս. Գրիբոյեդովի ժամանակակիցների միակողմանի և հակասական վկայություններին, որոնց մեկնաբանությունները կամ բացակայում են, կամ էլ՝ պարզապես շրջանցվել են խորհրդային պատմագրության կողմից:

Ա. Ս. Գրիբոյեդովի բազմաթիվ ժամանակակիցների վկայություններում դրվատանքով է խոսվում նրա բազմիմաց լինելու մասին (ինչի հետ հաստատապես համակարծիք ենք — Վ. Ս.) և, միևնույն ժամանակ, վկայակոչվում են նրա մեծամտությունը, իրենով չափից ավելի տարվելը, եսասիրությունը, անհաստատ լինելը, երբեմն կնամոլության հասնող կնամեծարությունը, դեսպան դառնալու ցանկությունը կամ հակառակը, ակնհայտ ծանծրայթն ու իր գործը չսիրելը, չարախոսությունները, երախտամոռությունը և այլն: Այս ամենը բնական մարդկայն քերություններ ու թուլություններ են, և մենք փորձում ենք դրանց անդրադառնալ, առանց չարախոսելու միտումի, բայց եթե ժամանակակիցներից ոմանք ինչ-ինչ պատճառներով դրանք անտեսել են, ապա խորհրդային պատմագրության ներկայացուցիչները զաղափարական կապանքներով կաշկանդվածության պատճառով միայն ծաղկաքաղի մեթոդով են օգտագործել Ա. Ս. Գրիբոյեդովի ժամանակակիցներ Ֆ. Վ. Բուլգարինի, Ստ. Ն.

Բեգիչևի, Ն. Վ. Շիմանովսկու, Դ. Ի. Չավալիչինի, Ն. Ա. Կախուսկու, Ն. Ն. Մուրավյով-Կարսկու, Դ. Վ. Դավիդովի և այլոց հուշերն ու մտորումները:¹

Ի Ա. Ս. Գրիբոյեդովի մտերիմ ընկեր Ֆ. Վ. Բուլգարինը գրում է, որ իր վարքագծով և բնավորությամբ Գրիբոյեդովը ծեռք է բերել անգլիական ողջ դեսպանության հարգանքը Թավրիզում, ինչպես նաև պարսից զահաժառանգ Աբբաս-Միրզայի հատուկ բարեհաճությունը, որ զահաժառանգն անկեղծ սիրում էր Գրիբոյեդովին և հաճույք էր ստանում նրա հետ զրուցելիս:²

Սա հակասում է Ա. Ս. Գրիբոյեդովի վկայություններին՝ Աբբաս-Միրզայի հետ հարաբերությունների կապակցությամբ:³

Պարզ չէ, թե ինչ տվյալներից ելնելով է այս համաձայնաբեր արդյունքը Ֆ. Բուլգարինը: Կարծում ենք, որ այդ մասին նա կարող էր իմանալ միայն անմիջապես Ա. Գրիբոյեդովից, իսկ այդ մասին ոչ մի ապացույց ու մեկնաբանություն չկա: Ֆ. Բուլգարինը ավելացնում է, որ «պարսից բոլոր գերաստիճան պաշտոնյաները նույնպես հարգում էին Գրիբոյեդովին. նա մեծապես նպաստեց Աբբաս-Միրզայի և Վրաստանում մեր կառավարչության միջև բարի համաձայնությանը...»:⁴

Սա չի լուսաբանվել խորհրդային շրջանում: Անգլիացիների հետ հարաբերությունների հարցում Ֆ. Բուլգարինի վկայություններին հակասում է դեսպան Վիլլոքի հետ Ա. Ս. Գրիբոյեդովի բախումը, իսկ պարսիկների և Վրաստանի կառավարչության միջև բարի համաձայնության կապակցությամբ հարց է ծագում՝ իսկ ո՞վ էր և ի՞նչ էր ամուսնացել Ֆ. Բուլգարինի հետ: Ֆ. Բուլգարինը ամենուրեք է նրա դերը: Ռուս ռազմագերիների հարցում Ֆ. Բուլգարինի վկայությունները կրկին հակասում են Ա. Ս. Գրիբոյեդովի պատմածներին:⁵ Ի դեպ, Ա. Մազարովիչին բարձր էր գնահատում Դ. Վ. Դավիդովը:⁶

Խորհրդային գրիբոյեդովագետները հիմնականում թերագնահատում են Ա. Մազարովիչին՝ անընդհատ շեշտելով, որ նա օտարազգի (վենետիկցի – Վ. Ս.) բժիշկ էր, մոռանալով, որ Գրիբոյեդովն էլ քերական ու երաժիշտ էր, դիվանագիտական հատուկ կրթություն չէր ստացել, իսկ նրա ակունքներն էլ

¹ Гривоëдов, его жизнь и губель в мемуарах современников, Ред. и примеч. Зин. Давидова, Изд-во "Красная Газета" Ленинград, 1929г., 352 с.

² Նույն տեղում, էջ 13:

³ А. С. Гривоëдов, Сочинения в двух томах, т.2, Библ. "Огонек", Изд. "Правда", М. 1971г. ("С. И. Мазаровичу", с. 199, "П. А. Каменину", с. 202): Տե՛ս նաև՝ Ա. Ս. Գրիբոյեդով, «Ճանապարհորդական նոթեր» Կովկաս-Պարսկաստան, թարգմ. Ի. Ենկելովսկու, Գայպետիրատ, Երևան, 1945, էջ 49:

⁴ А. С. Гривоëдов, его жизнь и губель... с. 13, Տե՛ս նաև՝ Դ. Սմիռնովի՝ Նույնպես անապացույց նմանատիպ վկայությունը՝ նշվ. աշխ. էջ 237-238:

⁵ Шостакович С. В. Дипломатическая деятельность А. С. Гривоëдова, Изд. Социально-экономической литературы, М. 1960, с. 62-63, Տե՛ս նաև՝ А. С. Гривоëдов Сочинения. Гос изд. худ. литературы, М-Л, 1959г., с. 421-422.

⁶ Դ. Դավիդով, Ռազմական հուշեր, թարգմ. Զ. Սազմանյանի, Գայպետիրատ, Երևան, 1942թ., էջ 525:

(Գրիբովսկի – Վ. Ս.) լեհական էին: Այն կարծիքն է ստեղծվում, որ ռուսական կառավարությունը ճարահատյալ էր Մազարովիչին նշանակել որպես հավատարմատար:

Ֆ. Բուլգարինը գրում է, որ Ս. Ա. Գրիբոյեդովը Պարսկաստանում հաստատված և զինվորական ծառայության մտած ռուսներին համոզել է վերադառնալ հայրենիք և նրանց ջոկատը ետ է քերել՝ չարացած պարսիկների կողմից բազմիցս ենթարկվելով մահացու վտանգի:⁷ Հետո փաստում է, որ դա չի խանգարել, որ Աբբաս-Միրզան շահից խնդրի շքանշանով պարգևատրել Ս. Գրիբոյեդովին: Անհասկանալի է, թե ինչի համար էր պարգևատրվելու: Եթե նրան հարգում էին բոլոր «գերաստիճան պարսիկ պաշտոնյաները», ապա ո՞վ էր նրա համար մահացու վտանգ ներկայացնում: Մի՞թե հասարակ պարսիկները, որոնց մոտ, հաստատ այդ զինվորները չէին ծառայում (չպետք է մոռանալ, որ շատ պարսկահպատակներ, նույնիսկ մահմեդական շատ խաներ էլ ռուսների կողմն էին անցնում): Իսկ Ս. Մազարովիչին այդ «մահացու վտանգը» չէ՞ր սպառնում:

Այստեղ տեղին է ներկայացնել Ն.Մուրավյով-Կարսկու (1822թ. փետրվարի 2-ի թվագրությամբ) հուշերից մի վկայություն: Այսպես, Ս. Գրիբոյեդովը պատմել է նրան, որ Պետերբուրգից պարսից արքունիքին ուղղված թղթեր են ստացվել, որտեղ պարսիկներին տեղեկացվել է, որ թուրքերի պահվածքը վերջիններիս վրա է հրավիրել կայսեր ցասումը: Ըստ ռուսական կողմի՝ թուրքերը կայսրին պատերազմի են դրդել, հետևաբար անհրաժեշտ է եղել Աբբաս-Միրզային բացատրել, որ կայսրը ցանկացել է, որ բոլոր ժողովուրդները իմանան, որ նվաճումների հանդեպ իր կիրքը չէ, որ դրան է մղել, այլ՝ թուրքերի ոչ ճիշտ արարքները: Ս. Գրիբոյեդովն ուղարկվել է այդ ամենն Աբբաս-Միրզային բացատրելու և նշելու, որ կայսրը դաշնակիցներ չի պահանջում, այլ միայն հասկացնում է դրա մասին: Ուրախացած Աբբաս-Միրզան խոստացել և թուրքերի դեմ է հանել 50.000 զինվոր: Մյուս օրը Աբբաս-Միրզային տեսակցել է հավատարմատար Ս. Մազարովիչը, կրկին շոշափել է նույն թեման, բայց, փոխանակ պարկեշտություն պահպանելու, Աբբաս-Միրզայից խնդրել է դաշնակցել Ռուսաստանին, և երբ վերջինս համաձայնել է, Ս. Մազարովիչը «խլել է» նրա ծեռքը և ի նշան շնորհակալության, համբուրել է այն: «*Ահա մեր ծառայության մեջ օտարերկրացուն, վարձկանին վայել արարք*» - ասել է Ս. Գրիբոյեդովը:⁸

Այստեղ Ս. Գրիբոյեդովի պատմածի մեջ քողարկված անորոշություն կա. նախ՝ բացահայտորեն փորձ է արված նսեմացնել Ս. Մազարովիչին (օտարերկրացի, վարձկան – Վ. Ս.) և առաջին պլան մղել իր դիվանագիտական հատկանիշները, երկրորդ՝ կայսրը նման հիշեցումով ամնիջապես շահին չի դիմել (անկախ նրանից, որ արտաքին քաղաքական հարցերի մենաշնորհ

⁷ Грubbоведов, его жизнь и губель...с. 13.

⁸ Грubbоведов, его жизнь и губель...с. 115-116.

հանձնված էր Նայիբ-սուլթան Աբբաս-Միրզային), այլ, խախտելով էթիկետը, բանակցել է գահաժառանգի հետ (ամեն դեպքում, Պետերբուրգից ստացված թղթերը մոտայի իմաստ ունեին, հետևաբար պետք է, որ կայսեր կնիքն ու ստորագրությունը կրեին), երրորդ՝ ի՞նչ իմաստ ուներ Ս. Սազարովիչի կողմից Աբբաս-Միրզայի մոտ ուղարկել Ս. Գրիբոյեդովին (որն ընդամենը քարտուղար էր - Վ. Ս.) և հաջորդ օրն անձամբ գնալ նրա մոտ նույն հարցի շուրջ զրուցելու, չորրորդ՝ արդյոք Աբբաս-Միրզայի ձեռքը համբուրելիս ներկա եղե՞լ է Ա. Գրիբոյեդովը։ Եթե այո, ապա համոզված ենք, որ հենց տեղում նա չէր զսպի և գոնե սպանիչ, սառը ծաղրով կխոսեր Ս. Սազարովիչին։ Իսկ եթե նա ներկա չի եղել, այդ «անպարկեշտ» արարքի մասին պետք է, որ իմացած լիներ արդեն տարածվող, շրջանառվող խոսակցություններից (նաև՝ անգլիացիների կողմից - Վ. Ս.):

Սակայն այդ մասին Ա. Գրիբոյեդովն էլ չի նշում իր ընկերներին այդ ժամանակ և հետո ուղղված նամակներում։ Որտեղի՞ց է, ուրեմն, այդ մասին իմացել Ա. Գրիբոյեդովը։ Կարծում ենք, որ Ս. Սազարովիչը, եթե նույնիսկ դա եղած լիներ, նման բանը չէր ասի Ա. Գրիբոյեդովին։ Գեներալ Դ. Դավիդովը նշում է, որ Ա. Գրիբոյեդովը, լինելով Ս. Սազարովիչի դեսպանության կազմում, «ոչինչ չսովորեց այն վերաբերմունքից, որն անհրաժեշտ էր պարսիկների ազգային ինքնասիրությունը, սովորույթներն ու բարքերը հարգելու կապակցությամբ։ Նա չէր կարողանում տարբերություն դնել «գիշերականության» և «կտրուկ պահանջների միջև»։⁹

Զարախոսության ու մեծամտության այս օրինակը ևս վերլուծության չի արժանացել խորհրդային շրջանում։

II Ըստ Ն. Մուրավյովի և Պ. Ն. Երմոլովի՝ Վ. Կ. Կյուխելբեկերի և ոմն Պոխվիսնի միջև ծագած վիճաբանության առիթը տվել է Ա. Գրիբոյեդովը, և Վ. Կ. Կյուխելբեկերը գործել է նրա խորհրդով։ Դա հանգեցրել է մենամարտի, բայց այն բարեհաջող ավարտ է ունեցել։¹⁰

Գիշեցնենք, որ համարյա նույն սցենարով է տեղի ունեցել Վ. Կ. Շերեմետևի և Ա. Պ. Ջավադովսկու միջև կայացած ողբերգական մենամարտը։ Զե՞ որ այն ժամանակ, չգիտես թե ինչ նկատառումներով, Ա. Գրիբոյեդովը Վ. Շերեմետևի սիրուիի Ա. Ի. Իստոմինային բերել է Ա. Պ. Ջավադովսկու տուն, ինչն էլ պատճառ էր դարձել ողբերգության։ Վերջինս, ինչպես տեսնում ենք, դաս չի եղել Ա. Գրիբոյեդովին։ Խառնակության հարցերում նրա հակումը ևս անտեսվել է։

Ժամանակակիցները (նաև՝ Ն. Մուրավյով-Կարսկին)¹¹ միաբերան հավաստում են նրա բարձր զարգացածությունը, խելքը, ընդունակությունները, տարա-

⁹ Դ. Դավիդով, նշվ. աշխ.: էջ 526:

¹⁰ Гробо́дов, его жизнь и судьба...с. 118.

¹¹ Նույն տեղում, էջ 131.

տեսակ գիտությունների մեջ խորամուխ լինելը, բայց չեն բացարձակաճանաչում այնպես, ինչպես Ֆ. Բուլզարինը: Նրանցից շատերը միաժամանակ վկայում են նաև Ա. Գրիբոյեդովի բազում արատները: Ֆ. Բուլզարինի այն վկայությունը, թե Ա. Գրիբոյեդովը զգացել է բարձրաշխարհիկ կապերի ոչնչությունը, վեր էր կանգնած կապերի, հարստության և պատիվների արժանանալու մանրախնդրությունից, որ նրան թշնամանում էին իր մաքուր զգացմունքների համար¹², միակողմանի է և փորձ է արված բացարձակաճանաչելու Ա. Գրիբոյեդովի արժանիքները: Իսկ այն, որ նա հարգում էր վաստակավոր և արժանավոր մարդկանց կոչումները, չէր խոնարհվում ճակատագրի սիրեցյալների հանդեպ¹³, չեն ապացուցվում Ս. Մազարովիչի հանդեպ նրա վերաբերմունքի, Ի Պասկևիչի մոտ ծառայության, «անպատիվ մարդկանց խորհրդին հետևելու և ճշմարիտ ուղուց շեղվելու» մասին Ա. Գրիբոյեդովի, ինչպես նաև նրա և նրա քեռու բնավորությունների նույնության մասին վկայություններով:

III Հակասություններ կան խորհրդային պատմագրության և Ա. Գրիբոյեդովի ժամանակակիցների վկայություններում՝ ցարական ինքնակալության նկատմամբ նրա վերաբերմունքի հարցում: Եթե նա ցարիզմի դեմ պայքարի համոզված մարտիկ էր, հեղափոխական, ապա ինչպե՞ս մեկնաբանել հետևյալը:

1825թ. դեկտեմբերի 14-ի հետ կապված նրա ձերբակալման մասին Ֆ. Բուլզարինը գրում է. «Զգիտեին Գրիբոյեդովին և իմացան նրան: Նրա ազնվական մտքերը, շիտակությունը, նրա գործերի, մտադրությունների մաքրությունն արժանացան միապետի ողորմած ուշադրությանը: Գրիբոյեդովը բախտ ունեցավ ներկայանալու ինքնակալ կայսրին և այդ պահից հոգով սիրեց միապետին՝ իբրև վեհապետի և՛ իբրև մարդու...»:¹⁴ Խոսքը Նիկոլայ I-ի մասին է: Սա հաստատվում է Նիկոլայ կայսրին Ա. Գրիբոյեդովի հղած նամակով, որտեղ նա ներկայացնում է իր անմեղ լինելու հանգամանքը և խնդրում, որ իրեն ազատ արձակեն:¹⁵

¹² Նույն տեղում, էջ 16:

¹³ Նույն տեղում, էջ 16:

¹⁴ Грибоедов, его жизнь и судьба... с. 17.

¹⁵ А. С. Грибоедов, Сочинения, т. 2, с. 260. Տե՛ս նաև Грибоедов, его жизнь и судьба... "Рассказы о Грибоедове", Д. Смирнов, с. 231-232, (այստեղ Դ. Սմիռնովը վկայում է, որ ըստ Սու. Բեզիլի, դեկաբրիստներին Ա. Գրիբոյեդովը համարել է «հիմարներ»): Իսկ նույն գրքի էջ 280-281-ում Դ. Սմիռնովի և Ա. Ժանդրի գրույցն է այն մասին, թե ինչ է մտածում Ա. Ժանդրը՝ դեկաբրիստների ապստամբությանը Ա. Գրիբոյեդովի մասնակցության մասին և ինչ են նշանակում Ա. Գրիբոյեդովի այն խոսքերը, թե «պրապոդչիկներից 100 մարդ փորձում են փոխել Ռուսաստանի քաղաքական կացությունը»: Ա. Ժանդրը պատասխանել է, որ դա ասվել է՝ նկատի ունենալով քաղաքական կացությունը փոխելու ձևին, որը Ա. Գրիբոյեդովը չի ըմբռնել, բայց գործի անհրաժեշտության և արդարության մեջ նա չի կասկածել: Այս հարցին անդրադարձել է նաև Մ. Վ. Նեչկինան, որը ապագայում կփորձենք վերլուծել - Վ. Ա.:

Ա. Գրիբոյեդովը Պ. Ա. Կատենինին 1825թ. փետրվարի 14-ին գրած նամակի հետգրության մեջ ինչ-որ կապակցությամբ խորհուրդ է տալիս վճռել և խնդրանքով դիմել ուղիղ վեհապետին՝ ասելով, որ «Բացի նրա սեփական հոգուց, ոչ մեկի հոգու վրա հույս մի՛ դիր. ոչ ոք հարազատ եղբոր համար ջանք չի թափի»:¹⁶ Սա էլ ասվել է Ալեքսանդր I-ի հասցեին:

Կոմս Ի. Պասկևիչին 1827թ. հուլիսի 30-ին Կարաբաբայից գրած զեկուցագրում Ա. Գրիբոյեդովը, խոսելով ռուսական հողերի վրա պարսիկների հարձակման առիթով Աբբաս-Միրզային հանդիմանելու մասին, ասում է, որ «վիրավորված է նաև անձամբ կայսեր անձը, իսկ մեզ մոտ, վեհապետի պատիվը ժողովրդի՝ պատիվն է»:¹⁷ Կարդալով այսքանը (նախ՝ տողատակի N 23 հղումը)՝ կարծում ենք, որ այս վկայությունները չեն խոսում Ա. Գրիբոյեդովի՝ հակամիապետական կամ ցարական ինքնակալության դեմ պայքարի համոզված մարտիկ լինելու օգտին: Առաջադեմ գաղափարներ ունենալը չի նշանակում հեղափոխական լինել:

Ա. Գրիբոյեդովի վերոհիշյալ նամակներից, թերևս կարելի է ընդամենը տիրասիրության և միապետության համոզված կողմնակցի մասին պատկերացում կազմել: Այս հանգամանքն էլ է շրջանցվել:

V Անդրադառնա՞նք նաև Ա. Գրիբոյեդովի ծառայողական պարտականությունների և Պարսկաստանում նրա՝ դեսպան դառնալու մասին ժամանակակիցների վկայություններին:

Ֆ. Բուլգարինը վկայում է, որ Ա. Գրիբոյեդովն առանց բացակայելու կոմս Պասկևիչ-Երիվանսկու հետ էր և *հաճույքով էր կատարում գինվորական գործերն* ու չէր թաքնվում վտանգներից: Սա վերաբերում է 1827 - 1828 թվականներին: Սակայն նրա «Շարադրություններ»-ում բազմիցս կարելի է հանդիպել Ն. Ա. Կախովսկուն (1820թ. հունիսի 25)¹⁸, Ա. Ի. Ռիխտսկուն (1820թ. հունիսի 25)¹⁹, «Անժանոթին» (1820թ. նոյեմբեր)²⁰, Ա. Ա. Ժանդրին և Վ. Ա. Միկլաշևիչային (1825թ. դեկտեմբերի 18)²¹, Ստ. Ն. Բեգիչևին (1825թ. դեկտեմբերի 7)²², Ա. Ա. Բեստուժևին (1825 նոյեմբերի 22)²³, Նույն Ֆ. Վ. Բուլգարինին (1827թ. ապրիլի 16)²⁴ հղած նամակներում իր արտահայտած տրտուներին, բողոքներին, ծանմույթին:

¹⁶ А. С. Грибоедов, Сочинения, т.2, с. 242.

¹⁷ Նույն տեղում, էջ 264. Կայսրի մասին զովետով է խոսում նա Վ. Ա. Միկլաշևիչային ուղղված 1826թ. հունիսի 6-ի նամակում, էջ 264:

¹⁸ Նույն տեղում, էջ 207-208:

¹⁹ Նույն տեղում, էջ 208-210:

²⁰ Նույն տեղում, էջ 213-214:

²¹ Նույն տեղում, էջ 258-259:

²² Նույն տեղում, էջ 256-258:

²³ Նույն տեղում, էջ 252-253:

²⁴ Նույն տեղում, էջ 271-273:

Ն. Կախովսկուն Ա. Գրիբոյեդովը համոզում է իրեն «փրկել որոտից», քանի որ գլխավոր հրամանատարին (Ա. Պ. Երմոլովին – Վ. Ա.) խնդրել է իրեն ետ կանչել Թիֆլիս՝ որպես դատավոր կամ ուսուցիչ աշխատելու, քանի որ նույնիսկ հանուն «Օրանգ-Չերի զանձների. Կովկասից այս կողմ (Պարսկաստանում – Վ. Ա.) ոչ մի տեղ և ոչ մի անգամ ինքը հավիտյանս չի բնակվի» (տե՛ս տողատակի N 26 հղումը):

Ա. Ի. Ռիխտսկուն նույն օրը գրած նամակում Ա. Գրիբոյեդովը գրում է. «Կործանվի այն օրը, երբ ես հազա Արտաքին գործերի կոլեգիայի համազգեստ և կործանվի այն առավոտը, երբ ինձ կոչեցին տիտղոսավոր խորհրդական...» (տե՛ս տողատակի N 27 հղումը): Իսկ այն, որ Ֆ. Բուլգարինին 1827թ. ապրիլի 16-ին Ա. Գրիբոյեդովը գրում է, որ հենց ավարտվի պատերազմը, ինքը կհեռանա, «որովհետև մարդիկ մանր են. նրանց գործերը՝ հիմար, իր հոգին կարծրանում է, դատողությունը՝ մթազնում, բարոյականությունը մեռնում է... որ ինքը ծնված է այլ ասպարեզում գործելու համար...» (տե՛ս տողատակի N 32 հղումը) ցույց է տալիս, որ Ֆ. Բուլգարինը հակասում է և իր վերոհիշյալ վկայությանը, և վերը քվարկած անձանց ուղղված Ա. Գրիբոյեդովի խոստովանություններին: Բայց իր նամակներում, մասնավոր զրույցներում և պահվածքով Ա. Գրիբոյեդովը հաճախ նաև հակասում է ինքն իրեն, ինչը վկայում է նրա անհաստատ բնավորության մասին: Այսպես՝ Ա. Գրիբոյեդովի մտերիմ Ատ. Ն. Բեգիչևը նույնպես վկայում է նրա արտակարգ ընդունակությունների ու փայլուն կրթության մասին²⁵ և տեղեկություններ է հաղորդում Ա. Գրիբոյեդովի ծառայության անցնելու մասին: Ատ. Բեգիչևը, որը ևս Ս. Մազարովիչին համարում է խելացի և հիմնալի անձնավորություն, վկայում է, որ Ս. Մազարովիչն է առաջարկել Ա. Գրիբոյեդովին իր հետ մեկնել Պարսկաստան: Իսկ Ա. Ստուրժան վկայում է, որ, Բատյուշկովի նման, Ա. Գրիբոյեդովն էլ է ձգտել դիվանագիտական պաշտոնի և այդ նպատակի համար ծանոթություն է փնտրել իր հետ:

Արտաքին գործոց նախարարությունում իր ունեցած դիրքի շնորհիվ Ա. Ստուրժան միջնորդել է Ա. Գրիբոյեդովի համար և նրան առաջարկել է զրա-սենյակային աստիճանավորի պաշտոն կամ Ֆիլադելֆիայում կամ էլ Թեհրանում՝ բացատրելով դրանց կարևորությունը: Նա Ա. Գրիբոյեդովին ծանոթացրել է Ս. Մազարովիչի հետ: Ա. Գրիբոյեդովն ընտրել է Պարսկաստանը.²⁶ Այսինքն՝ ինքն է ընտրել իր ճանապարհը:

Ատ. Բեգիչևը, վկայելով Թուրքմենչայի պայմանագիրը կայսրին հասցնելուց հետո Ա. Գրիբոյեդովի՝ չռայլ պարզևների արժանանալու մասին, միաժամանակ նշում է, որ նա մռայլ էր՝ դեսպան նշանակվելու առիթով:

²⁵ Грибоедов, его жизнь и гибель... с. 37-41.

²⁶ "Московитянин" 1851г. ноябрь, "Беседа любителей Русского слова и Арзамас" и царствование Александра I и мои воспоминания" с. 19.

Ա. Գրիբոյեդովի դեսպան դառնալ չցանկանալու մասին վկայում են խորհրդային պատմաբանները²⁷ և չեն փորձում մեկնաբանել Դ. Դավիդովի վկայությունը, թե ինչու է Ա. Գրիբոյեդովն ասել, որ «Պասկևիչն այնքան անտանելի է, որ ես Վրաստան կվերադառնամ ոչ այլ կերպ, բայց եթե իբրև դեսպան՝ պարսկական արքունիքին կից»:²⁸

Դեսպան դառնալու մասին վկայություններում Ա. Գրիբոյեդովը ներկայացնում է իր և Արտաքին գործերի նախարար կոմս Նեսսելրոդեի հետ կայացած խոսակցությունը, որից պարզ է դառնում, որ ինքը ցանկացել է որպես դեսպան մեկնել Պարսկաստան և նույնիսկ առաջարկել է գնալ ոչ թե որպես հավատարմատար, այլ որպես լիազոր դեսպան:²⁹

Ըստ Ստ. Բեգիչևի՝ Ա. Գրիբոյեդովն առարկել է կոմս Նեսսելրոդեին՝ ասելով, որ Պարսկաստանում Ռուսաստանին անհրաժեշտ է ունենալ իր դեսպանը, որը ոչնչով չգիջի անգլիական դեսպանին:

Սիանշանակ է, որ Մերձավոր Արևելքում և Ասիայում սուր կերպով բախվում էին ռուս-անգլիական գաղութատիրական շահերը, բայց Ա. Գրիբոյեդովի վերը նշված փաստարկը (անգլիացիներին ինչ-որ բանում զիջել կամ չզիջելու հարցում) տրամաբանական չէ: 21^{րդ} որ ժամանակին Պարսկաստանում ռուսական հավատարմատար Ա. Սազարովիչի բացակայության ժամանակ ինքը հանդգնել էր շրջանցել իր պետին և «չզիջել» անգլիական հավատարմատար Վիլլոքին: Եվ դա այն դեպքում, երբ Ա. Գրիբոյեդովն ընդամենը «ռուսական առաքելության քարտուղար» էր:³⁰ Ի դեպ, այս կապակցությամբ նա արժանացել էր կոմս Նեսսելրոդեի դիտողությանը:³¹

Դեսպան դառնալու մասին Ա. Գրիբոյեդովի առաջարկից հետո կոմս Նեսսելրոդեի «ժպտալն ու լռելը»³² պերճախոս էին: Կոմս Նեսսելրոդեի «ժպտալը» Ա. Գրիբոյեդովը Ստ. Բեգիչևին մեկնաբանել է նրանով, որ կոմսը *կարծել է, թե պատվասիրությունից ելնելով է, որ ինքը դեսպանի պաշտոն է ուզում*:

Խորհրդային շրջանում չի պարզաբանվել, թե ինչո՞ւ կոմս Նեսսելրոդեն չպետք է այդպես ենթադրեր: Մի՞թե Արտաքին գործերի գերատեսչության «ծեր գայլը» պատահականորեն էր կանչել Ա. Գրիբոյեդովին կամ չէր կարողանում

²⁷ Վ. Պարսամյան, Ա. Ա. Գրիբոյեդովը և հայ-ռուսական հարաբերությունները: ՀԱՍՀ ԳԱ հրատարակչություն, Երևան 1947, էջ 25, 169, տես նաև՝ И. Ениколопов, Гриневадов и Восток, Ереван, Айнепрат, 1954, с. 29.

²⁸ Դ. Դավիդով, նշվ. աշխ., էջ 525-526:

²⁹ Гриневадов, его жизнь и гибель...с. 46.

³⁰ И. Ениколопов, Гриневадов и Восток, Ереван, Айнепрат, 1954г., с. 23-25 (իղում է արված "Депеши Российского поверенного в Персию по разным предметам, ЦГИА Гр.р.з. СССР).

³¹ Шостакович С. В., նշվ. աշխ. էջ 63, 70 (իղում է արված Д. А. Смирнов, А. С. Гриневадов, I Черновая тетрадь Гриневадова, "Русское слово" апрель 1859, с. 78-79, St'u նաև՝ А. С. Гриневадов, Сочинения, Гос. изд. худ. лит. М. - Л. 1959, с. 637.

³² Гриневадов, его жизнь и гибель...с. 46.

զատել հավատարմատարի կամ դեսպանի առաքելության տարբերությունները: Մի՞թե նա չէր կարող Ա. Կ. Ամբուրգերին, Ի. Օ. Սիմոնիչին կամ թեկուզ Ա. Սազարովիչին նշանակել (վերջինս Ռուսաստանից հեռանալու մտադրություն չուներ, հետագայում՝ 1836թ. ընդունեց ռուսահպատակություն – Վ.Ս.): Կարծում ենք, որ այստեղ Ա.Գրիբոյեդովի մոր՝ Նաստասյա Ֆեոդորովնայի և ամենագոր Ի. Պասկևիչի շատ կարևոր դերակատարումն է եղել (վերևում նշեցինք, որ վերջինիս նկատմամբ էլ էր Ա. Գրիբոյեդովը ապերախտ կերպով արտահայտվում):

Ի. Պասկևիչը Ա. Գրիբոյեդովին պատահականորեն չէր ուղարկել Պետերբուրգ՝ Թուրքմենչայի պայմանագիրը կայսրին ներկայացնելու: Այս ամենը տրամաբանական և կանխավ մտածված քայլեր էին: Կարծում ենք, որ թե Ա. Ամբուրգերը, թե Ի. Սիմոնիչը, թե բարոն Կ. Բոդեն և նույնիսկ Ի. Սալցովը Թուրքմենչայից հետո ի վիճակի էին ճկուն կերպով կատարել իրենց առջև դրված պարտականությունները: Ինչ վերաբերում է պարսկերենի իմացությանը, ապա դա ևս խնդիր չէր մախարաբության համար, որովհետև Կովկասում պարսկերենին և այլ լեզուներին տիրապետող հայեր ու վրացիներ շատ կային, որոնք կարող էին ծառայել Ռուսաստանին (Ա. Գրիբոյեդովի դեսպանության կազմում էլ թարգմանիչներ կային – Վ. Ս.):

Չպետք է բացառել, որ Ա. Գրիբոյեդովը քաջ գիտակցում էր, որ պալատական խորհրդականից միանգամից դառնում էր գեներալ-մախարար՝ այստեղից առատության եղջյուրից բխող ամեն տեսակի նյութական և հասարակական բարձր դիրքի հետ կապված բարիքներով հանդերձ, ինչով նա կարող էր իր ընտանիքի ֆինանսական ոչ բարվոք վիճակը կայունացնել:

Վերջին հաշվով, ի՞նչ կարող էր սպառնալ Ա. Գրիբոյեդովին, եթե նա ուղղակիորեն, կտրականապես հրաժարվեր այդ պաշտոնից կամ պնդեր, որ իրեն ուրիշ տեղ նշանակեն: Նա կարող էր ինչ-որ հիվանդություն կամ կլիմայի կործանարար լինելը պատճառ բերել (նա հաճախ տենդի նոպաներ էր ունենում – Վ. Ս.): Դեսպան դառնալ չցանկանալը, դատելով նրա մամակներից, թերևս կարող է կապված լինել նաև նրա հետ, որ արդեն մի քանի տարի, չփվելով դիվանագիտական գործերի հետ, հաստատ համոզվել էր, որ դա իր տեղը չէ, որ ինքը «ծնված է այլ ասպարեզներում գործելու համար», այսինքն՝ հոգով ու սրտով պոետ էր և երաժիշտ: Այս հանգամանքներն էլ չեն մեկնաբանվել:

VI Եթե Ա. Գրիբոյեդովին դեսպան նշանակելը խորհրդային ուսումնասիրողների կողմից ներկայացվում է որպես աքսորի պես մի բան, ապա դեկաբրիստների հետ կապերի մեջ կասկածվող Ա. Պ. Երմոլովը կամ մյուսները ինչո՞վ հարմար չէին այդ դերի համար: Դ. Դավիդովը վկայում է Ա. Պ. Երմոլովի դիվանագիտական մեծ կարողությունների մասին³³: Այս պարագան ևս անտեսվել է: Անտեսվել է, որովհետև անհրաժեշտ է եղել ցույց տալ, որ Ա. Գրիբոյեդովը

³³ Դ. Դավիդով, նշվ. աշխ. էջ 525, 526, 528:

«հեղափոխական» էր և դրա համար էլ, որպես պատիժ, նրան ուղարկել են հեռու Պարսկաստան: Բայց անտեսվել է մի շատ կարևոր հանգամանք ևս: Դա այն է, որ ռուսական արքունիքը երբեք հեղափոխական անձնավորությանը չէր նշանակի նման պաշտոնում, այն էլ՝ պարտված երկրում, որտեղ դեռ շարունակվում էին այլ երկրների դիվանագիտական խաղերն ու խարդավանքները: Եզրակացությունն այն է, որ իր մասնագիտությունը նա չէր սիրում, բայց ձգտել է նշանակման՝ բարձր դիրքի և նյութական բարվոք վիճակի հասնելու համար:

VII Հենվելով Ա. Գրիբոյեդովի ժամանակակիցների վկայությունների վրա՝ խորհրդային գրիբոյեդովագետները Պարսկաստանից նրա՝ կենդանի չվերադառնալու «կանխազգացումներին» քիչ է մնում, թե «մարգարեանալու» հատկանիշներ վերագրեն:

Պետք է կարծել, որ իր մոտալուտ վախճանը «կանխազգալու» հարցը կապված է այն բանի հետ, որ քաջածանոթ լինելով Արևելքի բարբերին ու սովորություններին, արևելյան երկրներեսանությանը, տիրակալների ուխտադրությանը, ինչպես նաև աչքի առաջ ունենալով ոչ հեռու անցյալում՝ 1813թ. Գյուլիստանի պայմանագրի խախտումը պարսիկների կողմից՝ Ա. Գրիբոյեդովը պարզապես վստահ չէր, որ պարսիկների հետ նոր պայմանագիրը երկար կպահպանվի ու չի խախտվի միջազգային ներհակ շահերի բախման հետևանքով: Իսկ նման դեպքերում, ինչպես հայտնի է (օրինակ՝ Թուրքիայում), նոր պատերազմի դեպքում առաջին հարվածը հասցվում էր հենց այդ երկրներում եղած հակառակորդ երկրի ղեսպանությանը: Ն. Հիմանովսկին, օրինակ, վկայում է, որ պարսիկների հետ լարված հարաբերությունների պատճառով ռուսական առաքելության ղեկավար Ս. Մազարովիչն արդեն բնակվում էր Թիֆլիսում:³⁴ Ուրեմն մտավախություն կար, որ ղեսպանության աշխատողներին կարող էր վտանգ սպառնալ և միգրացիա Ա. Գրիբոյեդովն էլ կանխազգուս էր դա:

VIII Ա. Գրիբոյեդովը 1820թ. մայիսի 3-ին Ն. Ա. Կախովսկուն պատմում էր իր սիրային արկածների (Պարսկաստանում – Վ.Ս.) և Ս. Մազարովիչի կողմից իրեն բարոյագիտական դասեր տալու մասին³⁵ (տարօրինակ է, բայց Ս. Մազարովիչի հասցեին արված չարախոսությունների հետ մեկտեղ կարելի է հանդիպել նաև նրա հոյակապ հատկանիշների մասին Ա. Գրիբոյեդովի հիացական նամակներին):³⁶

Ուշագրավ է նաև 1820թ. հունիսի 25-ին դարձյալ Թավրիզից նույն Ն. Ա. Կախովսկուն ուղղված նամակը, որտեղ Ա. Գրիբոյեդովը գրում. «Ավսոս, որ Դուք այստեղ չեք: Մազարովիչը վերակառուցել է Ռուսական հոյակապ պալատը: Իմ տնակը, եթե այդպես հաճախ չճոճվի երկրաշարժերից, նայելու բան է Արևելքում: Իսկ ինչպիսի՞ կանանց Դուք կգտնեիք ինձ մոտ, հատկապես

³⁴ Грнбоѳдов, его жизнь и гибель...с. 69.

³⁵ А. С. Грнбоѳдов, Сочинения, т.2, с. 205-206.

³⁶ Նույն տեղում, էջ 189-191, 195

ոչ թե մեկին, այլ շատերին՝ մեկը մյուսից սքանչելի: Ո՛վ կարող էր սա կանխատեսել մի երկու ամիս առաջ: Սիրո ծամփաներն անիմանալի են...»³⁷

Կարծում ենք՝ պարզ է, որ խոսքն այստեղ ոչ թե փողոցային, այլ բարձրաշխարհիկ կանանց մասին է (այն էլ՝ մահմեդական երկրում – Վ. Ս.): Իսկ քանի որ բարձրաշխարհիկ կանայք միայն հարեմներում էին լինում, ուրեմն նա սիրում էր «խցկվել ուրիշների հարեմները»: Կարծում ենք, այս ամենը հաստատող անկախ մի վկայություն էլ կատարում է ծերունի Դամբարձունը (Իբրահիմ բեկը – Վ. Ս.)՝ ասելով, որ 1829թ. հունվարին՝ գիշերով, երբեմն Վազիր-Սուխտարի (Ա. Գրիբոյեդովի – Վ. Ս.) մոտ դեսպանատուն էր գալիս շահի հարեմից մի շատ գեղեցիկ, երիտասարդ կին և խնդրում էր, որ իրեն ետ ուղարկեն հայրենիք:³⁸

Հարց է ծագում՝ քանի՞ անգամ այդ կինը դեռ պետք է գնար ու գար (և Ս. Գրիբոյեդովն էլ չէր զգուշանում), որ վերջապես «ստացվեր» իր մեկնումը: Կամ էլ ինչու՞ Ալլահ-յար խանի երկու կանանց և Սիրզա-Յակուբ Մարգարյանի նման այդ կնոջը ևս հենց առաջին անգամից Ա. Գրիբոյեդովը չպահեց դեսպանատանը: Այս հանգամանքը ևս մեծ դեր է կատարել հետագայում,³⁹ իսկ խորհրդային ուսումնասիրողները խուսափել են սա ևս լուսաբանելուց:

Թավրիզից Ն. Կախովսկուն հղած Ա. Գրիբոյեդովի վերոհիշյալ նամակները, ինչպես նաև հետագայում ծերունի Դամբարձունի՝ 1829թ. մասին վկայությունները թերևս փաստում են, որ դիվանագիտական ծառայությունը Ա. Գրիբոյեդովի համար այնքան էլ առաջնային չէր, որ կնամեծարությունը նրա մոտ երբեմն հասնում էր կնամոլության, իսկ Պարսկաստանի նման մոլեռանդ մահմեդական երկրում, որտեղ երկյուղածությամբ և խոր ակնածանքով էին վերաբերվում նման հարցերին, դիվանագիտական լուրջ վրիպում կարելի է համարել նրա՝ երբեմն անզգույշ և ծանր հետևանքներով հղի պահվածքը, որը տարբեր առումներով առնչվում էր մահմեդականների համար սրբություն համարվող հարեմների հետ:

Կարծում ենք, որ 1829թ. հունվարյան ողբերգությունը ծնող *արտաքին ու ներքին ազդակներից մեկն էլ սա պետք է համարել*: Այս և որոշ հարցերի վրա, մեր կարծիքով, պատշաճ ուշադրություն չի դարձվել խորհրդային պատմագրության կողմից:

³⁷ Լույն տեղում, էջ 208

³⁸ "Кончина А. С. Грибоедова по армянским источникам", "Русская Старина", 1901, октябрь, с. 66-68, Стів նաև՝ Грибоедов, его жизнь и судьба...с. 199-201.

³⁹ Грибоедов, его жизнь и судьба...с. 254-255, (այստեղ Դ. Սմիռնովի և Ա. Ժանդրի գրույցները Ա. Գրիբոյեդովի վախճանի կապակցությամբ, հակասում են նաև պաշտոնական ռազմագեկույցին (Реляция) (էջ 151-184), և՛ Իբրահիմ բեկի (էջ 199-201), և՛ Ի. Սիմոնիչի (էջ 202-206), և՛ Կ. Բոդեի (էջ 207-211) վկայություններին):